

Affons emprendan da lur experientschas

Sch'in affon vegn criticaus,
empren el da criticar.

Sch'in affon vegn refusaus,
empren el da cumbatter.

Sch'in affon vegn fatgs ridiculs,
empren el dad esser schenaus.

Sch'in affon sto seturpegjar,
empren el da sesentir culponts.

Sch'in affon senta toleranza,
empren el da haver pazienza.

Sch'in affon vegn encuraschus,
empren el da haver confidanza en sesez.

Sch'in affon vegn ludaus,
empren el da stimar auters.

Sch'in affon vegn tractaus gestamein,
empren el giusta.

Sch'in affon senta segirtad,
empren el da sefidar.

Sch'in affon vegn acceptaus,
empren el da haver bugen sesez.

Sch'in affon senta acceptanza ed amicezia,
empren el da purtar carezia el mund.

(ord "Stille des Lebens" da Sue Vaughan)

"Nus entschevein cun plascher e tschaffen il niev onn da scola".

Aschia secloma il tema, cun il qual nus havein entschiet il niev onn da scola cun il survetsch divin. Nus sperein che plascher e tschaffen accumpognien nus tras gl'entir onn da scola, ed era mintga di da nossa veta.

Ir a scola ei dapli che mo da quintar, leger, scriver e d'emprender ordado. Igl ei era da cantar, d'engraziar e dad esser cuntents e ventireivels. Quei giavischel jeu a tuts che han da far cun la scola sco era a tut quels ch'ei colligai en nossa cuminonza.

"Las femnas astgan far nuot en baselgia..."

Ina critica che nus enonuschein tuts. Veramein dat ei reglas per survetschs / pensums, ch'ei ligiadas vid perscripziuns.

Sche nus mirein denton ils divers engaschaments en nossa baselgia... jeu sai buc, sch'ei dat dapli umens che dunnas che fan ina impurtonta, biala e buna lavur?

In bi, e multifar survetsch ei la lavur dil caluster / dalla calustra en Baselgia. Lur lavurs veseivlas e nunveseivlas ein fetg impurtontas. Segir dat ei pliras persunas (dunnas ed umens) ord nossas retschas che savessen ademplir bein quei survetsch. S'instruir s'auda secapescha vitier. Nua sesanflan talas persunas che fusan promptas da segidar?

Era las calustras han il dretg sin las vacanzas. Mo lu basegna ei substituents ni substitutas a Laax e Falera che san sorprendere quei bi uffeci.

Anflein nus en nossas pleivs in caluster / ina calustra che segida? Sche Vus haveis interess, s'annunziei tier nossas calustras ni tier mei. Jeu havess, ensemen cun las calustras, grond plascher d'anflar in substitut ni ina substituta.

Informaziuns per Laax

Communiun dils malsauns:

Mesjamna, ils 15-09-2010 suentermiezdi

Devoziun dallas mummas e lur affons en baselgia

« La tuor da Babel » cun quella historia fascinonta dalla Bibla ein tuttas mummas e lur affons einvidai alla devoziun da mesjamna, ils 22 da settember 2010 allas 16.00h.

Fiasta dil s. Batten

Dumengia, ils 5 da settember 2010 retscheiva *Quirin*, feagl da Simon e Ladina Caviezel-Meiler il sogn sacrament dil Batten. Cordial beinvegni al niev commember da nossa Baselgia. Nus gratulein ad el e sia famiglia e giavischein la benedicziun da Diu sin tuttas vias dalla veta e bien sustegn ella cuminonza cristiana.

Cordiala gratulaziun per natalezi

Ils 11 da settember 2010 astga *Werner Jörger* festivar siu 80-avel natalezi. Nus gratulein cordialmein al giubilar e giavischein la benedicziun da Diu, buna sanadad ed in legreivel di da fiasta.

Rogaziun federala

La dumengia da Rogaziun lein prender la caschun da seregurdar ed engraziar en special per tut ils beins che Dieus regala a nus mintga di en nossa patria.

10.45h

11.45h – 12.30h

12.30h - 13.30h

13.30h - 14.30h

14.30h - 15.30h

15.30h - 16.30h

16.30h

Messa festiva

Spendas, Geinas, Tului-su, Cons

Crest, Tului-sut, Val

Via principala, Larisch, Via Selva

Davos Baselgia, via Streia, via Falera

Fau, Grava, Fandrels

Viaspras e reposiziun

Informaziuns per Falera

Communiun dils malsauns:

Venderdis, ils 03-09-2010 suentermiezdi

Gievgia, ils 16-09-2010 suentermiezdi

Devoziun dallas mummas e lur affons en baselgia

« La tuor da Babel » cun quella historia fascinonta dalla Bibla ein tuttas mummas e lur affons einvidai alla devoziun da mardis, ils 21 da settember 2010 allas 16.00h.

Fiasta dil s. Batten

Dumengia, ils 5 da settember retscheiva Nevio, feagl da Heidi e Wendelin Casutt-Cathomen e dumengia ils 26 da settember 2010 retscheiva *Silvan*, feagl da Bianca Arpagaus e Heinz Schmid il sogn sacrament dil Batten. Nus giavischein ad els la protecziun da Diu ed il sustegn dalla cuminonza cristiana.

Nozzas a s. Rumetg

Nus gratulein als nozzadurs e giavischein bia fortuna e buna convivenza ella veta matrimoniala.

ils 04 da settember 2010 a *Silvia Buchli e Michael Walter Kraus*,

ils 25 da settember 2010 a *Linda Rohrer e Remo Märk*.

Communiun dils malsauns

Demai che sur Peter dat gievgia suentermiezdi religiun, vegn el cun la s. Communiun dils malsauns d'uss naven il venderdis.

Fiasta da Perdanonza

La Perdanonza stat avon porta. Arvei igl esch da vies cor, da vossas casas sco era igl esch dalla Baselgia per festivar en ina buna cuminonza e cumpignia la fiasta da nossa Pleiv.

Aduraziun per la dumengia da Rogaziun federala

17.30h uras recitein nus il rusari e dallas

18.00h entschatta dalla devoziun dalla Rogaziun che finescha cun la benedicziun dil Sontgissim.

Lein engraziar a Diu per tut ils beins a nus regalai.